



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA TANO

Kikao cha Pili – Tarehe 16 Febuari, 2017.

Kikao Kitaanza Saa 3.00 (Tatu) Asubuhi
na Dua itasomwa.

I. HATI ZA KUWASILISHA MEZANI:

Waziri wa Nchi, Ofisi ya Makamu wa Pili wa Rais:

Hotuba ya Uwasilishaji wa Mswada wa Sheria ya Kufuta Sheria ya Nembo Nam. 1 ya 1985 na Sheria ya Bendera ya Zanzibar Nam.12 ya 2004 na Kutunga Sheria inayoweka Masharti Bora Yanayohusiana na Bendera ya Zanzibar, Nembo ya Serikali na Wimbo wa Taifa wa Zanzibar ya 2016 na Mambo Mengine Yanayohusiana na Hayo.

Mwenyekiti wa Kamati ya Kusimamia Ofisi za Viongozi Wakuu wa Kitaifa:

Hotuba ya Maoni ya Kamati ya Kusimamia Ofisi za Viongozi Wakuu wa Kitaifa kuhusu Mswada wa Sheria ya Kufuta Sheria ya Nembo Nam. 1 ya 1985 na Sheria ya Bendera ya Zanzibar Nam.12 ya 2004 na Kutunga Sheria inayoweka Masharti Bora Yanayohusiana na Bendera ya Zanzibar, Nembo ya Serikali na Wimbo wa Taifa wa Zanzibar ya 2016 na Mambo Mengine Yanayohusiana na Hayo.

II. MASWALI:

Ofisi ya Makamu wa Pili wa Rais:

65. MHESHIMIWA SAADA RAMADHAN MWENDWA (Nafasi za Wanawake) - Atamuuliza Mheshimiwa Waziri wa Nchi, Ofisi ya Makamu wa Pili wa Rais.

Limeibuka kundi la vijana wa kihuni ambao wamekuwa wakifanya vitendo vya kijambazi katika barabara ya Amani – Mtoni na eneo la njia ya Chumbuni kwa kuwaibia, kuwapiga na kuwadhalilisha watu hasa wanawake nyakati za usiku.

- a) Je, Serikali inalitambua tatizo hilo.
- b) Ni lini Serikali itaweka taa katika barabara ya Amani-Mtoni ili kupunguza vitendo hivyo viovu.

Ofisi ya Rais, Katiba, Sheria, Utumishi wa Umma na Utawala Bora:

111. MHESHIMIWA SHEHE HAMAD MATTAR (Jimbo la Mgogoni) - Atamuuliza Mheshimiwa Waziri wa Nchi Ofisi ya Rais, Katiba, Sheria, Utumishi wa Umma na Utawala Bora.

Mashahidi ni sehemu moja muhimu sana katika kesi lakini kumekuwa na malalamiko kwa baadhi ya mashahidi kutokulipwa posho zao.

- a) Je, ni mashahidi wangapi wanaoidai Mahkama na ni kiasi gani wanazodai.
- b) Je, ni lini Serikali itawalipa mashahidi hao posho zao.

Ofisi ya Rais, Tawala za Mikoa, Serikali za Mitaa na Idara Maalum za SMZ:

105. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Nchi, Ofisi ya Rais, Tawala za Mikoa, Serikali za Mitaa na Idara Maalum za SMZ.

Kwa kuwa kuanzisha Manispaa kunahitaji kuwepo wadi 15. Na kwa kuwa hivi sasa kumeanzishwa manispaa 2, ya Magharibi 'A' na Magharibi 'B' ambazo kuanzishwa kwake hazikukidhi matakwa ya kisheria kwa mujibu wa sheria ya uanzishwaji wa Mabaraza ya Miji.

- a) Je, ni kigezo gani kimetumika kuanzisha Manispaa ya Magharibi 'A' na 'B' wakati inajulikana kwamba zilizokuwa Halmashauri ya Magharibi 'A' na 'B' wadi zake hazifikii kiwango cha uanzishwaji wa Manispaa hizo.
- b) Je, Wizara haioni kwamba kuanzisha Manispaa zaidi ni kuongeza gharama wakati mapato yanayopatikana kwa sasa hayataweza kukidhi gharama za uendeshaji wa Manispaa hizo.

Wizara ya Elimu Na Mafunzo ya Amali:

5. MHESHIMIWA ALI KHAMIS BAKARI (Jimbo la Tumbe) - Atamuuliza Mheshimiwa Waziri wa Elimu na Mafunzo ya Amali.

Naipongeza Wizara ya Elimu na Mafunzo ya Amali kwa kuiboresha sekta ya elimu kwa kuwatoa walimu maalum kutoka Nigeria kuja kufundisha masomo ya Sayansi Unguja na Pemba kama vile (Utaani, Wete, Chwaka, Tumbe, Konde Sekondari, Pandani, Mchanga Mdogo Sekondari na Kijichi Unguja).

- a) Je pamoja na jitihada hizo kwenye masomo ya sayansi, kwa nini Wizara haiweki walimu maalum wa kufundisha Kompyuta katika Skuli za Serikali ambazo hazina wataalamu hao.

- b) Wizara ina mpango gani wa kutoa mafunzo hayo ya kompyuta badala ya wanafunzi kumaliza masomo na kujiunga vyuo binafsi kwa kufuata huduma hiyo.

Wizara ya Kilimo, Maliasili, Mifugo na Uvuvi:

- 11. MHESHIMIWA MASOUD ABRAHMAN MASOUD (Jimbo la Bububu) - Atamuuliza Mheshimiwa Waziri wa Kilimo, Maliasili, Mifugo na Uvuvi.

Serikali imekuwa na utaratibu wa kuwasaidia wakulima wake kwa kuwauzia dawa za kuulia magugu katika mashamba yao. Hata hivyo, dawa hizo kwa mwaka jana zilionekana kutokuwa na uwezo wa kuuwa magugu hayo.

- a) Je, kuna utafiti wowote uliofanyika kugundua kinachosababisha magugu hayo kuendelea kuwepo pamoja na kwamba dawa imetumika.
- b) Je ni utaratibu upi Serikali inautumia katika ununuzi wa dawa hizo.

Wizara ya Ardhi, Maji, Nishati na Mazingira:

- 34. MHESHIMIWA TATU MOHAMED USSI (Nafasi za Wanawake) - Atamuuliza Mheshimiwa Waziri wa Ardhi, Maji, Nishati na Mazingira.

Kwa kuwa Serikali ilifanya kazi za usajili wa ardhi, nyumba na viwanja lakini kwa bahati zoezi hilo la usajili lilisita na halijaendelea tena hadi sasa.

- (a) Je, Wizara ina mpango gani wa kuliendeleza zoezi hilo la usajili.
- (b) Ni lini zoezi hili litaendelea tena.

Wizara ya Biashara, Viwanda na Masoko:

52. MHESHIMIWA ABDALLA MAULID DIWANI (Jimbo la Jang'ombe) - Ataamuuliza Mheshimiwa Waziri wa Biashara, Viwanda na Masoko.

Pamoja na kazi nzuri inayofanywa na Taasisi ya Viwango Zanzibar (ZBS) kwa kuhakikisha Zanzibar haiwi jaa kwa kuingizwa bidhaa mbovu kwa ajili ya matumizi ya binadamu na kulinda maisha ya wananchi wetu wa Zanzibar.

- a) Je, ni kigezo gani ZBS walichotumia kwa gharama za ukaguzi wa magari cha Dola 125 ambayo kati ya kiasi hicho, Zanzibar inafaidika kwa kupata dola 25 na Kampuni ya Kigeni ikipata dola 100.
- b) Je, hatuoni haja ya ukaguzi huo ufanyike Zanzibar na kukusanya mapato yote ya dola 125 kama ilivyo kwa nchi nyengine ili kuongeza mapato kwa Serikali yetu.

Wizara ya Afya:

2. MHESHIMIWA SULEIMAN SARAHAN SAID (Jimbo la Chake Chake) - Atamuuliza Mheshimiwa Waziri wa Afya.

Katika maisha ya hivi sasa tumekua tukiamini kwamba magonjwa ya kisukari, presha, na cancer kwa kiasi kikubwa yanachangiwa na vyakula tunavyokula.

Je, Serikali ina mpango gani wa kuchunguza na kuhakikisha kwamba bidhaa za vyakula tunavyotumia vinakua na ubora wa kiafya ili tuondokane na maradhi hayo.

Wizara ya Ujenzi, Mawasiliano na Usafirishaji:

102. MHESHIMIWA OMAR SEIF ABEID (Jimbo la Konde) - Atamuuliza Mheshimiwa Waziri wa Ujenzi, Mawasiliano na Usafirishaji.

Huduma za mawasiliano ya Kampuni ya Zantel inazidi kudorora siku hadi siku kiasi ya kutokidhi haja ya kiwango cha matumizi kwa wateja wake. Wakati Waziri akifanya majumuisho kwenye kikao cha Bajeti 2016, alieleza kwamba ifikapo mwezi wa Agosti, 2016, Zantel watakuwa na mitambo mipya yenye kukidhi haja kwa wateja wake, na kwamba mitambo hiyo watakuwa wameshairekebisha lakini hadi leo usumbufu wa mawasiliano ya Kampuni hiyo unaendelea.

- a) Je, Serikali inajuwa kwamba kampuni ya simu ya Zantel huduma zake zimeshuka kwa kiwango kikubwa kulinganisha na zamani jambo ambalo linaleta usumbufu mkubwa kwa wateja wanaotumia mtandao huo.
- b) Je, ni sababu gani inayopelekea kushuka kwa huduma za mawasiliano ya simu ya mtandao wa Zantel.
- c) Je, Serikali ina mpango gani wa kuitaka Kampuni hiyo ifunge mitambo mipya ili iweze kukidhi mahitaji ya wateja wake.

III. HOJA ZA SERIKALI:

Waziri wa Nchi, Ofisi ya Makamu wa Pili wa Rais:

Mswada wa Sheria ya Kufuta Sheria ya Tume ya Uchaguzi Nam. 9 ya 1992 na Kutunga Sheria ya Kuanzisha Afisi ya Tume ya Uchaguzi ya Zanzibar, Majukumu, Uwezo na Mambo Yanayohusiana na Hayo – Kusomwa kwa Mara ya Pili.

Waziri wa Nchi, Ofisi ya Makamu wa Pili wa Rais:

Mswada wa Sheria ya Kufuta Sheria ya Nembo Nam. 1 ya 1985 na Sheria ya Bendera ya Zanzibar Nam.12 ya 2004 na Kutunga Sheria inayoweka Masharti Bora Yanayohusiana na Bendera ya Zanzibar, Nembo ya Serikali na Wimbo wa Taifa wa Zanzibar ya 2016 na Mambo Mengine Yanayohusiana na Hayo - Kusomwa kwa Mara ya Pili.

Zanzibar,
16 Febuari, 2017.

(Raya Issa Msellem)
KATIBU WA BARAZA.